

ხელშეკრულება №

სახელმწიფო შესყიდვის შესახებ

ქ. თბილისი

----- 2018წ.

ერთი მხრივ,

შპს „საქართველოს აეროპორტების გაერთიანება“ (ქ. თბილისი, სამგორის რაიონში, აეროპორტის დასახლება (აეროპორტი) ს.კ №404 389 693) წარმოდგენილი მისი ----- სახით შემდგომში („შემსყიდველი“)

და მეორე მხრივ,

----- სახით შემდგომში („მიმწოდებელი“)

„სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე, ელექტრონული ტენდერის (სატენდერო განცხადების ნომერი: **SPA-----** --) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. შპს „საქართველოს აეროპორტების გაერთიანების“ მიერ განსაზღვრულ მიმართულებებზე, მის მიერვე დადგენილი გრაფიკითა და პირობებით მგზავრთა საჰაერო ტრანსპორტით გადაყვანის მომსახურების - (CPV-60400000) შესყიდვა ამ ხელშეკრულების და მის განუყოფელ ნაწილად არსებული სატენდერო დოკუმენტაციის შესაბამისად.

2. ხელშეკრულების ღირებულება

- 2.1. ხელშეკრულების საერთო ღირებულება შეადგენს არაუმეტეს ----- აშშ დოლარის ექვივალენტს საქართველოს ეროვნულ ვალუტაში დღგ-ს გარეშე, ანუ დღგ-ს ჩათვლით ----- აშშ დოლარის ექვივალენტს საქართველოს ეროვნულ ვალუტაში, საიდანაც:
- 2.2. ხელშეკრულების საერთო ღირებულებაში შედის „მიმწოდებლის“ ყველა ხარჯი, ხელშეკრულებით გათვალისწინებული თანამდევნი ხარჯები და საქართველოს კანონმდებლობით დადგენილი გადასახადები (მ/შ დღგ), რომლის გადახდა ეკისრება „მიმწოდებელს“.

3. შესყიდვის ობიექტის მიღება-ჩაბარების წესი

- 3.1. შესყიდვის ობიექტის - მომსახურების მიღება, ყოველი თვის დასრულებიდან არაუგვიანეს 5 (ხუთი) დღისა, ფორმდება ორმხრივი „მიღება-ჩაბარების“ აქტით, „მიმწოდებლის“ მიერ განხორციელებული ფრენებისა და გადაყვანილი მგზავრების რაოდენობის გათვალისწინებით, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას.
- 3.2. მიმწოდებელი შემსყიდველს წარუდგენს მხარეთა მიერ დადგენილი ფორმით შედგენილ მიღება-ჩაბარების მის მიერ ხელმოწერილი აქტის 2 ეგზემპლარს. შემსყიდველი ვალდებულია, 3.1. პუნქტით გათვალისწინებულ ვადაში დაადასტუროს აქტი საკუთარი ხელმოწერით ან ბეჭდით ან

განაცხადის ხელმოწერაზე მოტივირებული უარი. იმ შემთხვევაში, თუ შემსყიდველი დადგენილ ვადაში არც ხელს მოაწერს აქტს და არც განაცხადებს მოტივირებულ უარს, მიღება-ჩაბარების აქტი ჩაითვლება ძალაში შესულად.

4. ანგარიშსწორების პირობები

- 4.1. ანგარიშსწორება განხორციელდება სატენდერო დოკუმენტაციის პირობების შესაბამისად.

5. შესყიდვის ობიექტის მიწოდების ვადები და სხვა პირობები

- 5.1. მომსახურება განხორციელდება სატენდერო დოკუმენტაციის პირობების შესაბამისად.

6. მხარეთა უფლება-მოვალეობანი

6.1. „მიმწოდებელი“ ვალდებულია:

- 6.1.1. კეთილსინდისიერად, ჯეროვნად და სათანადო გულისხმიერებით შეასრულოს ნაკისრი ვალდებულებები, მომსახურება მთლიანობაში გაწიოს ხარისხიანად, დროულად, ყველა საჭირო ნორმის და წესის დაცვით;
- 6.1.2. მომსახურების გაწიოს კვალიფიციური პერსონალის მეშვეობით;
- 6.1.3. მომსახურების გაწევისას გამოიყენოს ხარისხიანი და უსაფრთხო ტექნიკა, მოწყობილობები, მასალები თუ სხვა ძირითადი საშუალებები და მატერიალები;
- 6.1.4. მომსახურების გაწევისას უზრუნველყოს უსაფრთხოების, ხანძარსაწინააღმდეგო, სანიტარული თუ სხვა საჭირო ტექნიკური ნორმების განუხრელი დაცულობა;
- 6.1.5. უზრუნველყოს მის მიერ გაწეული მომსახურების და მათ შორის, საპაერო ხომალდის შესაბამისობა საქართველოში მოქმედ სამოქალაქო ავიაციის სტანდარტებთან წინამდებარე ხელშეკრულების მოქმედების მთელი პერიოდის განმავლობაში;
- 6.1.6. მოიპოვოს, შეინარჩუნოს, საჭიროებისამებრ განაახლოს ყველა ნებართვა, თანხმობა თუ ლიცენზია, რომელიც საჭიროა წინამდებარე ხელშეკრულებით ნაკისრი ვალდებულებების შესასრულებლად;
- 6.1.7. უზრუნველყოს მგზავრებთან განსაკუთრებული გულისხმიერებით მოპყრობა, მათ შორის, სათანადო სტანდარტებისა და ნორმების შესაბამისად, ასეთის არსებობის შემთხვევაში;
- 6.1.8. მიმწოდებელი ვალდებულია ისე განსაზღვროს და დაარეგულიროს ხომალდების ტექნიკური შემოწმების განრიგი, ეკიპაჟების როტაცია და სხვა, რომ ხელი არ შეეშალოს მომსახურების შეუფერხებლად გაწევას.
- 6.1.9. მომსახურების განხორციელებაში მესამე პირთა ჩართვის შემთხვევაში გააკონტროლოს და უზრუნველყოს ამ პირთა მიერ წინამდებარე ხელშეკრულებით გათვალისწინებული მოთხოვნების დაცვა;
- 6.1.10. დროულად განიხილოს „შემსყიდველის“ მიერ წამოჭრილი საკითხები, რომლებიც დაკავშირებულია მომსახურების განხორციელებასთან თუ ხელშეკრულების სხვა პირობების შესრულებასთან;
- 6.1.11. დროულად აცნობოს „შემსყიდველს“ მისთვის ცნობილი იმ გარემოების შესახებ, რამაც შეიძლება შეაფერხოს რომელიმე მხარის მიერ ხელშეკრულებით ნაკისრი ვალდებულების შესრულება;
- 6.1.12. მოთხოვნისამებრ, მიაწოდოს „შემსყიდველს“ სრული ინფორმაცია მის მიერ მომსახურების გაწევისა თუ ხელშეკრულების სხვა პირობების შესრულების შესახებ, უზრუნველყოს შემსყიდველის „კოორდინატორის“ თუ სხვა წარმომადგენლების მიერ ხელშეკრულების შესრულების ინსპექტირების შეუფერხებლად განხორციელება;
- 6.1.13. სრულად და შეუფერხებლად მიაწოდოს „შემსყიდველს“ ინფორმაცია, რომელიც ამ უკანასკნელს ესაჭიროება თავისი სახელშეკრულებო ვალდებულებების შესასრულებლად;
- 6.1.14. არ დაუშვას მგზავრთა გადაყვანა საპაერო ხომალდით ავიაბილეთის გარეშე;
- 6.1.15. დაიცვას წინამდებარე ხელშეკრულებით ნაკისრი სხვა ვალდებულებები.

6.2. „შემსყიდველი“ ვალდებულია:

- 6.2.1. კეთილსინდისიერად, ჯეროვნად და სათანადო გულისხმიერებით შეასრულოს ნაკისრი ვალდებულებები;
- 6.2.2. დროულად განიხილოს „მიმწოდებლის“ მიერ წამოჭრილი საკითხები, რომლებიც დაკავშირებულია ხელშეკრულების პირობების შესრულებასთან;
- 6.2.3. დროულად აცნობოს „მიმწოდებელს“ მისთვის ცნობილი იმ გარემოების შესახებ, რამაც შეიძლება შეაფერხოს რომელიმე მხარის მიერ ხელშეკრულებით ნაკისრი ვალდებულების შესრულება;
- 6.2.4. მოთხოვნისამებრ, მიაწოდოს „მიმწოდებელს“ სრული ინფორმაცია მის მიერ ხელშეკრულების პირობების შესრულების შესახებ;
- 6.2.5. სრულად და შეუფერხებლად მიაწოდოს „მიმწოდებელს“ ინფორმაცია, რომელიც ამ უკანასკნელს ესაჭიროება თავისი სახელშეკრულებო ვალდებულებების შესასრულებლად;

6.3. „მიმწოდებელს“ უფლება აქვს:

- 6.3.1. მოითხოვოს და მიიღოს ინფორმაცია, რომელიც ესაჭიროება თავისი სახელშეკრულებო ვალდებულებების შესასრულებლად;
- 6.3.2. დამოუკიდებლად მიიღოს გადაწყვეტილება, საჭირო ხომალდზე კონკრეტული მგზავრის დაშვების და არდაშვების შესახებ, მათ შორის არ დაუშვას მგზავრები, რომელთა მდგომარეობა ბადებს ეჭვს, რომ ისინი იმყოფებიან ალკოჰოლური, ნარკოტიკული ან სხვა აკრძალული ნივთიერებების ზეგავლენის ქვეშ.
- 6.3.3. მხარეთა შეთანხმებით, მიმწოდებელი უფლებამოსილია, აღჭურვოს საჭირო ხომალდის მეთაური შემდეგი უფლებებით:
 - 6.3.3.1. მიიღოს საბოლოო გადაწყვეტილება აფრენის, დაფრენის შესახებ, გადაიტანოს ან გააუქმოს რეისი მეტეოპირობების გამო;
 - 6.3.3.2. შეასრულოს დაუგეგმავი დაჯდომა, შეაჩეროს ან შეწყვიტოს ფრენა;
- 6.3.4. საჭირო ხომალდის მეთაური უფლებამოსილია, მიიღოს ნებისმიერი სხვა გადაწყვეტილება, რაც საჭირო იქნება მგზავრების სიცოცხლის გადასარჩენად, ბარგისთვის შესაძლო საფრთხის თავიდან აცილებისთვის, გარემოსთვის ზიანის მიყენების თავიდან აცილებისა და უსაფრთხო ფრენის უზრუნველყოფის მიზნით.

6.4. „შემსყიდველს“ უფლება აქვს:

- 6.4.1. აწარმოოს ხელშეკრულების პირობების შესრულების მონიტორინგი და მოითხოვოს ხარვეზების გამოსწორება;
- 6.4.2. მისცეს მიმწოდებელს შესაბამისი მითითებები მომსახურების გაუმჯობესების მიზნით. თუ ასეთი მითითება არ გამომდინარეობს ხელშეკრულებიდან, მაშინ მისი განხორციელება არ უნდა მოითხოვდეს მომწოდებლისთვის არსებით დანახარჯებს;
- 6.4.3. მისცეს მიმწოდებელს დამატებითი მითითებები ავიარების განრიგისა და მიმართულებების განსაზღვრის, ასევე ბილეთების ფასის, რეალიზაციის წესების და პირობების კუთხით, ;
- 6.4.4. არ მიიღოს ხარვეზიანი შესრულება და დააკავოს ასანაზღაურებელი თანხის ნაწილი ხარვეზების გამოსწორებამდე;
- 6.4.5. თავისი შეხედულებისამებრ დამატებით გამოიყენოს მესამე პირი მომსახურების ზედამხედველობისათვის. ამასთან ერთად ეს პირი უნდა იყოს მხარეებისაგან დამოუკიდებელი და ნეიტრალური მათი კომერციული ინტერესების მიმართ.

7. ხელშეკრულების პირობების გადასინჯვა

- 7.1.1. ხელშეკრულებაში ნებისმიერი ცვლილება უნდა გაფორმდეს მხარეთა მიერ, დამატებითი შეთანხმების წერილობითი გაფორმების გზით.
- 7.1.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.1.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის

შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

- 7.1.4. მხარის სახელწოდების, იურიდიული მისამართის, ფაქტობრივი ადგილსამყოფლის, საკონტაქტო პირის, წარმომადგენლობაზე ან/და ხელმძღვანელობაზე უფლებამოსილი პირის, ელექტრონული ფოსტის მისამართის, ტელეფონის ან ფაქსის ნომრის, საბანკო რეკვიზიტების ცვლილება, ასევე ხელშეკრულებაში დაშვებული ორთოგრაფიული და ტექნიკური შეცდომების გასწორება (რაც გავლენას არ ახდენს ხელშეკრულების შინაარსზე) არ საჭიროებს მხარეთა ორმხრივად ხელმოწერილ შეთანხმებას. ასეთი ცვლილების შესახებ მხარეებმა წერილობით უნდა შეატყობინონ ერთმანეთს ცვლილებების განხორციელებიდან 5 (ხუთი) სამუშაო დღის განმავლობაში. შეტყობინების მიღების შემდეგ ახალი მონაცემები ითვლება ხელშეკრულების ნაწილად. ამავე დროს, სურვილის შემთხვევაში, ზემოთქმულისგან დამოუკიდებლად, მხარეებს შეუძლიათ მაინც გააფორმონ ორმხრივი შეთანხმებაც ასეთ ცვლილებაზე.

8. მხარეთა პასუხისმგებლობა ხელშეკრულების დარღვევისას

- 8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.
- 8.2. ხელშეკრულებით ნაკისრი ვალდებულებების დროულად და ჯეროვნად შეუსრულებლობის შემთხვევაში, მხარეს უფლება აქვს დამრღვევ მხარეს დააკისროს პირგასამტეხლოს გადახდა, სატენდერო დოკუმენტაციის პირობების შესაბამისად.
- 8.3. პირგასამტეხლოს გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.

9. ხელშეკრულების შესრულების გარანტია

- 9.1. ხელშეკრულების შესრულების უზრუნველსაყოფად, „მიმწოდებელმა“ ამ ხელშეკრულების გაფორმებამდე უნდა წარმოადგინოს უპირობო და გამოუთხოვადი საბანკო გარანტია ხელშეკრულების საერთო ღირებულების ---%-ის ოდენობით, რომლის მოქმედების ვადა არანაკლებ 30 კალენდარული დღით უნდა აღემატებოდეს ხელშეკრულების მოქმედების ვადას.
- 9.2. ხელშეკრულების შესრულების უზრუნველყოფის მიზნით „მიმწოდებლის“ მიერ წარმოდგენილი საბანკო გარანტია „შემსყიდველის“ მიერ გამოიყენება „მიმწოდებლის“ მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში. გარანტია არის უპირობო და გამოუთხოვადი და „შემსყიდველის“ მიერ მისი გამოყენება არ საჭიროებს რაიმე სახის პირდაპირ ან ირიბ დადასტურებას ან ნების სხვაგვარ გამოვლენას „მიმწოდებლის“ მხრიდან და ასევე არ არის დაკავშირებული მომწოდებლის მიერ ხელშეკრულებით ნაკისრი ვალდებულებების დარღვევის სახესთან, მოცულობასთან, ჯერადობასთან ანდა ვალდებულების ტიპთან.

10. ზოგადი დებულებები

- 10.1. მხარეები ხელმძღვანელობენ ურთიერთპატივისცემის პრინციპით. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 10.2. ხელშეკრულებით გაუთვალისწინებელი პირობები დარეგულირდება მხარეთა შორის წერილობითი შეთანხმების გაფორმებით ანდა საქართველოს მოქმედი კანონმდებლობით.
- 10.3. მხარეებს შორის არსებული ნებისმიერი დავა ან წინააღმდეგობა, რომელიც გამომდინარეობს ან შეეხება ხელშეკრულებას, მის მოქმედებას, დარღვევას, შეცვლას, ხელმოწერას ან შეწყვეტას, მხარეებმა პირველადად უნდა გადაწყვიტონ მოლაპარაკებების გზით, ხოლო ამგვარი მოლაპარაკებების არაეფექტურობის შემთხვევაში მხარეები თანხმდებიან, რომ მიმართავენ თბილისის საქალაქო სასამართლოს.
- 10.4. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია. კონფიდენციალურად მიიჩნევა ინფორმაცია, რომლის კონფიდენციალურობის შესახებაც ეცნობა მხარეს მეორე მხარის მიერ. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება გათვალისწინებულია კანონმდებლობით.

- 10.5. „მიმწოდებელს“ არა აქვს უფლება გადასცეს მესამე პირს თავისი უფლებები და მოვალეობები, „შემსყიდველის“ წინასწარი წერილობითი თანხმობის გარეშე.
- 10.6. მესამე პირთან ურთიერთობაში მხარეები მოქმედებენ თავიანთი სახელით, ხარჯებით და რისკით.
- 10.7. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 10.8. ხელშეკრულების ინტერპრეტაციისათვის ანდა მასში ხარვეზის არსებობისას, გამოიყენება საქართველოს კანონმდებლობის ნორმები.
- 10.9. „მიმწოდებელი“ ან მასთან დაკავშირებული პირები არ უნდა ჩაერთონ ისეთ საქმიანობაში, იქნება ეს მომსახურების გაწევა თუ სხვა საქმიანობა, რომელიც კონფლიქტშია ამ ხელშეკრულებიდან გამომდინარე „შემსყიდველის“ ინტერესთან.

11. ფორს-მაჟორი

- 11.1. მხარეები თავისუფლდებიან ვალდებულების დარღვევით გამოწვეული პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორს-მაჟორული გარემოება), რომელიც არ არსებობდა ამ ხელშეკრულების დადების მომენტში და რომლის წინაწარ გათვალისწინება ანდა გონივრული მეთოდებით გადალახვა შეუძლებელია. ასეთი გარემოებებია მიწისძვრა, ხანძარი, ქარიშხალი, დიდთოვლობა, ნისლი, ფრენისთვის ხელშემშლელი უამინდობა, ცენტრალური ენერგომომარაგების ან წყალმომარაგების შეწყვეტა მხარისგან დამოუკიდებელი მიზეზით, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი, ან ამ კონკრეტულ შემთხვევაში სასამართლოს მიერ ფორს-მაჟორულად ცნობილი გარემოებები.
- 11.2. ფორს-მაჟორული გარემოების არსებობა უნდა იყოს საყოველთაოდ ცნობილი ან დადასტურებული ყოველ კონკრეტულ შემთხვევაში, კომპეტენტური ორგანოსა თუ დაწესებულების მიერ, ოფიციალურად.
- 11.3. მხარე ვალდებულია, პირველივე შესაძლებლობისთანავე, მაგრამ არაუგვიანეს 1 სამუშაო დღისა, შეატყობინოს მეორე მხარეს ფორს-მაჟორული გარემოების დადგომის შესახებ, თავად კი მიიღოს ყველა შესაძლო გონივრული ზომა ვალდებულების შეძლებისდაგვარად შესასრულებლად ანდა შეფერხების აღმოსაფხვრელად. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორს-მაჟორულ გარემოებებზე მითითებით.
- 11.4. თუ ფორს-მაჟორული გარემოების გამო ვალდებულების შეუსრულებლობა გრძელდება იმდენ ხანს (მაგრამ არანაკლებ 2 კვირა უწყვეტად ან 1 თვე ჯამურად მთელი ხელშეკრულების განმავლობაში), რომ მეორე მხარისათვის ინტერესს კარგავს წინმდებარე ხელშეკრულების შესრულება, ამ მეორე მხარეს შეუძლია ცალმხრივად შეწყვიტოს ეს ხელშეკრულება. პირველ მხარეს არ აქვს უფლება მოითხოვოს ასეთი შეწყვეტით გამოწვეული ზიანის ანაზღაურება.
- 11.5. თუ ფორს-მაჟორის გამო ვერ-შესრულებადი ვალდებულება ისეთია, რომ მას აქვს შემხვედრი ვალდებულებაც მეორე მხარისგან, მეორე მხარეს შეუძლია არ შეასრულოს ასეთი შემხვედრი ვალდებულება მანამ, სანამ არ შესრულდება ფორს-მაჟორის გამო ვერ-შესრულებადი ვალდებულება.
- 11.6. მხარეებს შეუძლიათ, ფორს-მაჟორის დადგომის შემთხვევაში, ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

12. ინსპექტირების პირობები

- 12.1. ხელშეკრულების შესრულების ინსპექტირებას განხორციელებენ შემსყიდველის წარმომადგენლები (შემდგომში „კოორდინატორი“), რომელთა ვინაობასაც შემსყიდველი დამატებით აცნობებს მიმწოდებელს.
- 12.2. კოორდინატორის ფუნქციებია:
 - 12.2.1. კონტროლისა და ზედამხედველობის განხორციელება მხარეების მიერ ნაკისრი ვალდებულებების შესრულებაზე, ხელშეკრულების მოთხოვნებთან შესაბამისობის დადგენის მიზნით.

- 12.2.2. ხელშეკრულების პირობების შესაბამისად მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.
- 12.3. კოორდინატორის ყველა მოთხოვნა, შენიშვნა ან წინადადება წერილობით ფორმაში ან/და ელექტრონული ფოსტით უნდა გადაეცეს მიმწოდებელს ან მის წარმომადგენელს.
- 12.4. მიმწოდებელმა ასევე უნდა გამოყოს შემსყიდველთან საკონტაქტო პირი ან პირები, რომელთა ვინაობაც უნდა აცნობოს შემსყიდველს.

13. ხელშეკრულების ვადა, შეწყვეტა

- 13.1. წინამდებარე ხელშეკრულება ძალაში შედის მხარეების მიერ მისი ხელმოწერისთანავე და ძალაშია მხარეთა მიერ მათზე დაკისრებული ვალდებულებების სრულ შესრულებამდე, მაგრამ არაუგვიანეს -----
- 13.2. ხელშეკრულება შეიძლება შეწყვეტილ იქნას:
- 13.2.1. ურთიერთვალდებულებების შესრულებით;
- 13.2.2. ხელშეკრულების ვადის გასვლით;
- 13.2.3. მხარეთა შეთანხმებით;
- 13.2.4. ცალმხრივად - მოქმედი კანონმდებლობით ანდა ხელშეკრულებით გათვალისწინებულ შემთხვევებში;
- 13.2.5. წინამდებარე ხელშეკრულებით ან/და საქართველოს მოქმედი კანონმდებლობით გათვალისწინებულ სხვა შემთხვევებში.
- 13.3. ცალმხრივად შეწყვეტა შესაძლებელია შემდეგ შემთხვევებში:
- 13.3.1. თუ ერთ-ერთი მხარე მნიშვნელოვნად ან/და სისტემატურად (3-ჯერ ან მეტჯერ კალენდარული წლის განმავლობაში) არღვევს ხელშეკრულების პირობებს;
- 13.3.2. შემსყიდველის მიერ, თუ მიმწოდებელს შეუჩერდა ან გაუუქმდა ექსპლუატანტის მოწმობა ან სხვა რაიმე სავალდებულო ნებართვა;
- 13.3.3. შემსყიდველის მოთხოვნისთანავე, რომელიც არ არის სავალდებულო იყოს დასაბუთებული რაიმე სახით ან შეწყვეტისთვის ითვალისწინებდეს გონივრული ვადას;
- 13.3.4. წინამდებარე ხელშეკრულებით ან/და საქართველოს მოქმედი კანონმდებლობით გათვალისწინებულ სხვა შემთხვევებში.
- 13.4. წინამდებარე ხელშეკრულების შეწყვეტის შემთხვევაში, ანაზღაურებას ექვემდებარება შეწყვეტის მომენტისთვის ფაქტობრივად გაწეული მომსახურება, ხელშეკრულებით განსაზღვრული ანგარიშსწორების პირობების დაცვით. სხვა თანხების ანაზღაურება არ განხორციელდება.
- 13.5. 13.3.1. პუნქტით გათვალისწინებულ შემთხვევაში შეტყობინება ხელშეკრულების ცალმხრივად შეწყვეტის თაობაზე მხარეს უნდა გაეგზავნოს ხელშეკრულების პირობების არაჯეროვანი შესრულების შესახებ წერილობითი გაფრთხილების გაგზავნის შემდეგ, დარღვევის გამოსწორებისათვის გაფრთხილებაში მიცემული გონივრული ვადის უმედეგოდ ამოწურვის შემთხვევაში, წერილობითი ფორმით, ხელშეკრულების მოქმედების შეწყვეტამდე 10 დღით ადრე.
- 13.6. 13.3.2. პუნქტით გათვალისწინებულ შემთხვევაში ფრენების უნდა შეჩერდეს დაუყოვნებლივ და შემსყიდველი უფლებამოსილია 13.5 პუნქტით გათვალისწინებული წესით შეწყვიტოს ხელშეკრულება;
- 13.7. ხელშეკრულების შეწყვეტა არ გამოიწვევს მისგან წარმოშობილი ისეთი ძირითადი თუ აქცესორული ვალდებულებების შეწყვეტას, რომლებიც უკვე წარმოშობილი და შესასრულებელი აქვს მხარეს ხელშეკრულების შეწყვეტის დროისათვის.
- 13.8. 13.3.1. - 13.3.3. პუნქტებით განსაზღვრული საფუძვლით ხელშეკრულების შეწყვეტისას, მეორე მხარეს არ აქვს უფლება, მოითხოვოს შეწყვეტით გამოწვეული ზიანის ანაზღაურება.
- 13.9. მიმწოდებლის მიერ მისი სახელშეკრულებო ვალდებულებების არაჯეროვნად შესრულების შემთხვევაში, შემსყიდველი უფლებამოსილია, დროებით შეაჩეროს თავისი სახელშეკრულებო ვალდებულებების შესრულება სრულად ან ნაწილობრივ.

14. კორესპონდენცია

- 14.1. ყველა წერილობითი შეტყობინება, ინვოისი, მიღება-ჩაბარების აქტი, საგადასახადო ანგარიშფაქტურა, ასევე სხვა დოკუმენტები მხარეთა შორის იგზავნება ხელშეკრულებაში აღნიშნულ მისამართებზე და მხარისათვის გზავნილის ჩაბარებად მიიჩნევა მისი ჩაბარება ხელშეკრულებაში მითითებულ მხარის მისამართზე.
- 14.2. მხარისათვის გზავნილის ჩაბარებად მიიჩნევა ასევე მისი ჩაბარება ხელშეკრულებაში მითითებული საკონტაქტო პირისათვის, გარდა საანგარიშსწორებო დოკუმენტებისა.
- 14.3. მხარისათვის გზავნილის ჩაბარებად შესაძლოა მიჩნეულ იქნას ასევე მისი გაგზავნა ხელშეკრულებაში მითითებულ ელექტრონულ ფოსტაზე (გარდა საანგარიშსწორებო დოკუმენტებისა), თუ კონკრეტული გარემოებებიდან გამომდინარე, შესაძლებელია ფოსტაზე გზავნილის მისვლის დადასტურება.
- 14.4. თუ გზავნილის გაგზავნისათვის დადგენილია ვადა, ვადა არ ჩაითვლება დარღვეულად, თუ მის გასვლამდე გზავნილი ადრესატისათვის გასაგზავნად ჩაბარდება ფოსტას ან სხვა ანალოგიურ სუბიექტს.
- 14.5. მხარეთა შორის ფიზიკური დოკუმენტების სახით გაგზავნილი კორესპონდენცია ხელმოწერილი უნდა იყოს გამგზავნი მხარის ხელმძღვანელის ან მის მიერ სათანადოდ უფლებამოსილი პირის მიერ.

15. ვადები ხელშეკრულებასა და მისგან გამომდინარე ურთიერთობებში

- 15.1. ვადები გამოითვლება საქართველოს სამოქალაქო კოდექსის ზოგადი ნაწილის სათანადო ნორმების შესაბამისად, თუ ხელშეკრულებით სხვაგვარად არ არის დადგენილი.
- 15.2. “დღე” ნიშნავს კალენდარულ დღეს, თუ პირდაპირ არ არის სხვაგვარად მითითებული.
- 15.3. “სამუშაო დღე” ნიშნავს კვირის დღეს ორშაბათიდან პარასკევის ჩათვლით. თუ საქმე ეხება აუცილებლად მხარის მისამართზე მის ოფისში განსახორციელებელ ქმედებას, სამუშაო დღის დროის პერიოდია დილის 10 საათიდან საღამოს 18 საათამდე.
- 15.4. “თვე” გულისხმობს კალენდარულ თვეს.
- 15.5. “კვირა” გულისხმობს უწყვეტი მიმდევრობით შვიდი კალენდარული დღისაგან შემდგარ პერიოდს.
- 15.6. თუ ხელშეკრულებაში რაიმე ვადა აითვლება რაიმე მოვლენის დადგომიდან ან დადგომამდე პირობით, ამ მოვლენის დადგომის დღე ვადაში არ ითვლება.
- 15.7. თუ ხელშეკრულებაში რომელიმე ვადა მითითებულია რაიმე თარიღამდე ან რაიმე თარიღიდან, თავად ეს თარიღი არ ითვლება. თავად ეს თარიღი ვადაში ჩაითვლება მხოლოდ იმ შემთხვევაში, თუ პირდაპირ იქნება მითითებული, რომ ვადა არის ამ თარიღის ჩათვლით.
- 15.8. თუ ხელშეკრულებაში მითითებული რომელიმე ვადის ბოლო დღე ემთხვევა დასვენების ან უქმე დღეს, ასეთი ვადის ბოლო დღედ მიიჩნევა მომდევნო პირველივე სამუშაო დღე.

16. დასკვნითი დებულებები

- 16.1. მხარეს არ დაეკისრება პასუხისმგებლობა ვალდებულების შეუსრულებლობისათვის, თუ ეს გამოწვეულია ხელშეკრულების 7.4. მუხლში მითითებული მონაცემების მეორე მხარის მიერ შეუტყობინებლობის ან მცდარად შეტყობინების გამო.
- 16.2. მხარეს ვალდებულების არ შესრულებისათვის ან ნაწილობრივ შესრულებისათვის არ დაეკისრება პასუხისმგებლობა, თუ ეს გამოწვეულია მეორე მხარის მიერ თავისი იმ ვალდებულების შეუსრულებლობით, რომლის შესრულების გარეშეც პირველ მხარეს არ შეეძლო თავისი ვალდებულების შესრულება.
- 16.3. წინამდებარე ხელშეკრულება შედგენილი და მხარეთაგან ხელმოწერილია შევსებული სახით, ქართულ ენაზე, ორ თანაბარი იურიდიული ძალის მქონე ეგზემპლარად თითოეული მხარისთვის;
- 16.4. მხარეთათვის სავალდებულოა ამ ხელშეკრულების დადების მომენტისათვის საქართველოში მოქმედი კანონმდებლობისა თუ სტანდარტების ყველა მოთხოვნა, რომელიც უკავშირდება ამ ხელშეკრულებით ნაკისრი ვალდებულებების შესრულებას მხარეთა მიერ (იმის მიუხედავად, ისინი კონკრეტულად არის თუ არა მითითებული ხელშეკრულებაში), გარდა იმ შემთხვევისა, თუ ხელშეკრულება პირდაპირ ითვალისწინებს გამონაკლისს.
- 16.5. წინამდებარე ხელშეკრულებას ერთვის დანართი №1 - სატენდერო დოკუმენტაცია და დანართი №

2 – შესყიდვის სავარაუდო ღირებულება და რეისების საორიენტაციო ჯამური რაოდენობები, შესაბამის მიმართულებებზე. აღნიშნული დანართები ერთვის ხელშეკრულებას და წარმოადგენს მის განუყოფელ ნაწილს.

17. მხარეთა რეკვიზიტები

„შესყიდველი“

„მიმწოდებელი“